



Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije BiH“, br. 46/06 i 51/09) čl. 25. i 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj: 23/04) i člana 7. Odluke o načinu odabira projekata nevladinih organizacija po LOD metodologiji („Službene novine Kantona Sarajevo“, broj: 10/18)

JAVNI POZIV ORGANIZACIJAMA CIVILNOG DRUŠTVA/NEVLADINIM ORGANIZACIJAMA ZA PREDLAGANJE KANDIDATA/KINJE ZA ČLANA/ICU KOMISIJE ZA ODABIR PROJEKATA PO LOD METODOLOGIJI

Pozivaju se organizacije civilnog društva/nevladine organizacije da dostave prijedlog kandidata/kinju koji/a će biti imenovan/a za člana/icu Komisije za ocjenu i odabir projekata nevladinih organizacija po LOD metodologiji, a po Javnom pozivu organizacijama civilnog društva/nevladinim organizacijama za predaju projekata koji će biti finansirani/sufinansirani iz Budžeta Općine Centar Sarajevo u 2019. godini, objavljen na web stranici općine i sredstvima javnog informisanja 08.04.2019. godine.

Organizacija civilnog društva/nevladina organizacija dužna je dostaviti sljedeću dokumentaciju:

1. Ovjerena kopija Rješenja o registraciji;
2. Ime i prezime predloženog kandidata/kinje;
3. Dokaz o iskustvu kandidata/kinje sa akcentom na iskustva u civilnom sektoru (CV, certifikati, ugovori o angažmanu na poslovima u ocjenjivanju projekata i drugi relevantni dokumenti);
4. Kontakt telefon organizacije i predloženog kandidata/kinje;

Prednost prilikom odabira člana/ice Komisije će imati organizacija koja ima iskustvo u implementaciji projekata iz oblasti djelovanja utvrđenih Javnim pozivom.

Odabir kandidata/kinje će izvršiti nadležna Služba za boračko-invalidsku, socijalnu zaštitu i društvene djelatnosti, te će organizacijama koji su dostavili prijedloge, dostaviti obavijest o izvršenom odabiru.

Odabrani kandidat/kinja će prije razmatranja dostavljenih aplikacija po Javnom pozivu potpisati izjavu o sukobu interesa koja uključuje da član komisije:

- a) Nije učestvovao/la u razvoju nijednog projekta koji će razmatrati Komisija za ocjenu projekata,
- b) Projekti nisu povezani sa interesima (ličnim, finansijskim ili nekim drugim),
- c) Projekti nisu povezani sa interesima (ličnim, finansijskim ili nekim drugim) bilo koje organizacije koju vodi, predstavlja ili savjetuje.

Prijedlozi kandidata/kinje za imenovanje u Komisiju za ocjenu i odabir projekata nevladinih organizacija po LOD metodologiji sa pratećom dokumentacijom, mogu se podnijeti u roku od 15 dana od dana objavljivanja Javnog poziva na web stranici Općine Centar Sarajevo, u zatvorenoj koverti, u jednom primjerku, putem protokola Općine Centar Sarajevo svakim radnim danom od 08 do 16 sati ili u zatvorenoj koverti preporučenom poštom sa naznakom „Za Javni poziv – Prijedlog kandidata/kinje za projekte NVO“, na adresu:

Općina Centar Sarajevo
Protokol
Ul. Mis Irbina 1
71 000 Sarajevo
Bosna i Hercegovina

Nepotpune i neblagovremene aplikacije neće se razmatrati.